

Praeceptum VIII.

Imena pridavna, Zaimena, i Delnikorechi szlasejusze z-szvojemi Szamozlavnemi Imeni vu Zpolu, Broju, i Padanyu. Kakti; Zane-marna mala Izkricza, velikoga vnogoput je zrokuvala Pogora. Contempta parva Scintilla magnum saepe excitavit Incendium.

Praeceptum IX.

Zpomnyivo Zaime Qui, Quae, Quod, szlase-sze z-prediduchem (iz pervesheConstructie) Substantivumom, vu Zpolu i Broju, ne pako vszigdar vu Padanyu. v. P. Dobilszem Lizta, koj meni je poszlan. — Accepi Litteras, quae mihi missae sunt.

To izto zapameliti je pri Zaimenih hic, iste, ille, ipse, is, idem, kada mezto Relativuma ztoiu.

Praeceptum X.

Vszaka Vremenorech terpi poleg szebe Predztavka z-szvojem Padanyem. v. P. Bil-szem va Czirkvi, fui in templo. Idem vu Skolu, eo in Gymnasium.